

DANIËLI

Danieli gōna Babilōnu kína ìba ũ

¹ Yudanɔ́ kí Yoyakimu kíblena wè aagɔ́dee guu, Babilōnu kí Nebukanεza mò à Yerusalεmu kagura kè. ² Ben Dii kí Yoyakimu nàne à ɔ̀zĩ kɔ̀n Luda kpé pókεnɔ́, ben à tàò Babilōnia bùsun à kàe a tãakpe auzikikaεkiin.

³ Ben kína pì bè a begwari Asapenazanε à mó kɔ̀n Isaraili gɔ̀kparε kè aɔ̀ kuu kí ke gbãade borii ũunɔ́, ⁴ gɔ́ maa seesai kè aɔ́ ɔ̀ndɔ́ kà wà yã píngi dada wãgɔ́ wéεzεε vīinɔ́, gbέ kè aɔ̀e yã dɔ̀rɔ́ dɔ́ kpakpaa bensɔ́ aɔ́ goni kà wà zĩ ke kíbεεnɔ́. Gwàri pì bé eé Babilōnia yã dadañne kɔ̀n à kyóo. ⁵ Kína diε kè wà póblee kè eè ble lán guu e dɔ́ nà líñne kɔ̀n wεε kè eè miio, wà yã dadañne ai wè aagɔ́, beee gbεra aɔ̀e zĩ keare. ⁶ Yuda kenɔ́ kú ñ té, Danieli kɔ̀n Ananiao kɔ̀n Misailio kɔ̀n Azariao. ⁷ Gwàri pì ñ tó liéñne. À tó kpà Danieline Betεsaza, Anania sɔ́ Sadaraka, Misaili sɔ́ Mesaki, Azaria sɔ́ Abedinεgo.

⁸ Danieli zèò a swèn kè é kína pó ble kesɔ́ à à wεε mi à gbãsí léro, ben à zé wète begwari pì le à póblee pì tó gwe. ⁹ Ludaa tò begwari pì gbεkeε kè Danieline à à wēnda gwà, ¹⁰ mɔ́de à bène: Má a dii kína vīa vī, zaake àpi bé à a póblee kɔ̀n íminao diε. Tó à n e pɔ́sɔ́iaa guu de n sáa daanɔ́la sɔ́ né? Né tó yã pì wí ma musu kína ae. ¹¹ Gwàri pì dákpari diε à làakari gɔ́ kú Danielia kɔ̀n Ananiao kɔ̀n Misailio kɔ̀n Azariaoa, ben Danieli bène: ¹² Ñ wamɔ́wa n zòblerinɔ́ yɔ́ ñ gwa ai gurɔ́ kuri. Neègae dò lá atεε kpáawa kɔ̀n ío

ado ¹³ ò wa lékōzi kōn gōkparɛ kè aōɔe póbble dōnkō blee kōn kínaonɔ, né gbasa ò kewe lán ní yezi nà. ¹⁴ À wèhne yá beeezi, ben à kèhne le ai gurɔ kuri.

¹⁵ Kè gurɔ kuri pì pàpa, à ní gwá, ben à è aōɔ aafia vī aōɔ mèkpana de gōkparɛ kpaana kè aōɔe póbble dōnkō blee kōn kínaonɔla. ¹⁶ Ben aōɔ dākpari pì e kína póbble kōn à wèɛo kpámma doro, séde dò lá pāa. ¹⁷ Luda gōkparɛ gōɔn siigōɔ pìnɔ gbà dōna kōn wéɛzēo. Aōɔ takada yáasi dō, ben aōɔ laasuu vī ní píngi. Danieli sō wéɛgupu'ena kōn nana bokōtenao dō.

¹⁸ Kè wè aagōɔ kè kí Nebukanɛza diɛ wà yá dada gōkparɛ pìnɔne lé kà, ben begwari pì gāányo à kiia. ¹⁹ Kè kína fàadi bònɔyo, ben à è kè aōɔ gbē kee sēnkpe kōn Danielioro kōn Ananiao kōn Misailio kōn Azariao, ben aōɔ gò à ibanɔ ũ. ²⁰ Kína ní lála òndō kōn dōnao yá musu píngi, ben à è aōɔ de māsokerinɔ kōn wéɛzēri kè aōɔ kú a būsu guunola píngi leo kuri.

²¹ Danieli kú gwe ai Sirusu kíblena wè káaku guu.

2

Nebukanɛza nana'ona anduna kpatanɔ yá musu

¹ Nebukanɛza kíblena wè plaadee guu à nanaanɔ ò. Nanaa pì yá à kù gbāa, eé fō à ii òro. ² Ben à bè wà māsokerinɔ kōn asidōrinɔ kōn ɛzēdeenɔ kōn sōsōneyādōrinɔ sísi le aōɔ nanaa pì bokōtɛare. Kè aōɔ mò à aɛ, ³ à bèhne: Ma nanaa ò, nanaa pì ma kū gbāa. Má yezi mà nanaa pì asii dō. ⁴ Ben aōɔ bène kōn Siria yāo: Wà n dō aafiao, Zaaki! Ò nanaa pì yá o wamɔwa n zòblerinɔne, wé à bokōtɛne. ⁵ Kína bèhne: Yá kè ma zɛo mà kɛareen yè. Tó ée nanaa pì kōn à bokōtenao omɛro, weé a zōzōkōre wà a uanɔ kè

tuburaa ũ. ⁶ Tó a nanaa pì kǝn à bɔkɔ̄tɛnao tɔkɛ̄mɛ sɔ̄, mé a kpe da maamaa, é gbaano e a asaia ũ. À nanaa pì omɛ sa kǝn à bɔkɔ̄tɛnao.

⁷ Aɔ̄ èara wà bène do: Kí, ñ nanaa pì o wamɔ̄wa n zòblerinɔ̄ne, wé à bɔkɔ̄tɛnne. ⁸ Ben kína bèñne: Má dɔ̄ sãnsãn kè ée yã gágaame, kè á yã kè ma zɛo mà kearee dɔ̄ yãnzì. ⁹ Tó ée nanaa pì omɛro, yã mèn doo bé à gòare. A lé kpàkòsɔ̄ à egɛɛ tòme kǝn yãlekpeɛomɛ ai yã gɔ̄ gá lie. À nanaa pì omɛ, mégɔ̄ dɔ̄ kè é fɔ̄ à à bɔkɔ̄tɛ. ¹⁰ Ben aɔ̄ bène: Kí, gbɛ̄kee kú anduna guu kè eé fɔ̄ à yã kè née gbekaa kèkii bɔkɔ̄tɛnɛro. Kína kee kuu kè à yã beee taka gbeka màsokerinɔ̄ kǝn asidɔ̄rinɔ̄ kǝn sɔ̄sɔ̄neyãdɔ̄rinɔ̄aro, baa tó kí ìsi gbãadeemɛ. ¹¹ Kí, yã kè née gbekaa pì zì'ũ. Gbɛ̄ke é fɔ̄ à onnɛro, sé Luda, bensɔ̄ à beɛ kú gu dɔ̄nkɔ̄ kǝn wamɔ̄wa gbɛ̄ntɛnɔ̄ro.

¹² Yã beee tò kína pɛ̄tɛ̄ kè à pɔ̄ fɛ̄ maamaa, à bè wà Babilɔ̄nu òndɔ̄rinɔ̄ dɛdɛ ñ píngi. ¹³ Kè wà òndɔ̄rinɔ̄ dɛdɛna yã kpàakpa kè, ben wèè Danieli kǝn a gbɛ̄no wɛtɛɛ wà ñ dɛdɛ. ¹⁴ Kè kína dogarinɔ̄ gbɛ̄nsi Ariɔ̄ki gàa Babilɔ̄nu òndɔ̄rinɔ̄ dɛdɛ, ben Danieli yãzɛdee òne kǝn asãnsio ¹⁵ à à là à bè: Bóyãnzì kína yã pãsí pì diɛzi? Ben Ariɔ̄ki yã pì tɔkɛ̄ Danieline. ¹⁶ Ben Danieli gàa à wéé kè kínaa à sɔ̄ kǝn gurɔ̄ɔo aɛ féte gbasa à nanaa pì bɔkɔ̄tɛne. ¹⁷ Ben à tà be à yã pì tɔkɛ̄ a gbɛ̄nɔ̄ne Anania kǝn Misailio kǝn Azariao. ¹⁸ À bèñne aɔ̄ wéé ke Luda Musudea à wɛ̄nda dɔ̄ñne nanaa pì asii yã musu, le wàton ñ dɛdɛ kǝn Babilɔ̄nu òndɔ̄ri kpaaanɔ̄ro yãnzì.

¹⁹ Gwãavĩn Danieli wéegupu è, Luda Musude nanaa pì asii òne, ben Danieli à sáabu kpà à bè:

²⁰ Wàgɔ̄ Luda sáabu kpaa gurɔ̄ píngi,

àmbe à òndõ kòn gbãaaoo vĩ.

²¹ È gurɔ kòn à zakao lie,
 è kínano kpá kpatan è ñ bɔn,
 è òndõ da òndõdeenɔne,
 è dõna kpá wéezèrinɔa.

²² È asii yãno kòn yã kè aõ utenano ɔɔɔańne,
 à gusia yãno dõ, zaake àmbe è guu pu.

²³ Ma n sáabu kè ma dezinɔ Luda,
 ma n tó kpà,
 zaake n òndõ kòn gbãaaoo kàarame.
 N yã kè wá gbèkammaa tókème,
 n nanaa kè kína ò òɔɔawe.

Danieli nana bɔkõtɛna kínane

²⁴ Ben Danieli gaa Ariɔki kè kína à diè à Babilɔnu
 òndõrinɔ dedee kiia à bène: Nton Babilɔnu òndõrinɔ
 dedero. N gámao kína kiia le mà à nanaa bɔkõtɛne.

²⁵ Gwe gõo Ariɔki Danieli sè à gáao kína kiia à bène:
 Ma gbẽ kè eé fõ à n nanaa bɔkõtɛnnɛ è Yuda zĩzɔno
 té. ²⁶ Kína Danieli kè wè bene ɔɔ Betesaza là à bè:
 Né fõ ñ nanaa kè má ò bɔkõtɛme ñ à yáasi tókèmeó?

²⁷ Danieli wèàla à bè: Òndõri ke asidõri ke màsokeri
 ke sɔsɔneyádõri ke é fõ à asiiyã kè ñ gbèka pì onnero.

²⁸ Mɔde Ludaa kú musu, àmbe è asiiyã ońne. Kí
 Nebukanɛza, Luda yã kè eé mó ke ziaa òɔɔannɛme.
 Nanaa kè ñ ò n gádoa kòn wéegupu kè ñ èon yè. ²⁹ Kí,
 gurɔ kè ñ daena n gádoa n laasuu tà yã kè eé mó
 keea. Luda bé è asiiyã ɔɔɔańne, ben à tò n yã kè eé
 mó kee dõ. ³⁰ Mapi sõ, èe ke ma òndõ bé à de danɔ
 póla gbasa Luda asiiyã pì òmero. À òme le ñ è ñ à
 bɔkõtɛ mamɛ ñgõ laasuu kè kú n nòse guu dõ.

³¹ Kí, n guu gwà ben n pòke taka è n ae lán
 gbèntee bà. À bíta èe té kee bensõ à naasi vĩ. ³² Pó

taka pì mì né vurame atēε, à kùε kōn à gāsāno né kondogi, à gbεεε kōn à gisinō né m̀gotēmε, ³³ à gbáno né m̀simε, à gbálanō né m̀si kōn gũomε. ³⁴ Gurō kè néε gwa, gb̀esi ke gb̀oro, èε ke gb̀eke bé à ɔ̀ k̀aro, ben à m̀ à s̀ p̀ taka p̀ gbála k̀ de m̀si kōn gũo ũunɔ̀a, à ǹ wíwi. ³⁵ Gōgō m̀si kōn gũo kōn m̀gotēo kōn kondogio kōn vuraο wíwi, ben à g̀ lán éε m̀siaa k̀ kú p̀wεεgb̀ekiia bà. À g̀εε kōn ĩao, ẁε à gb̀e d̀oro, ben gb̀esi k̀ s̀ p̀ taka p̀a g̀ kp̄ii gb̀entē ũ à anduna p̀a p̄ngi.

³⁶ Nanaa p̄in gwe. Kí, wé à b̀k̄ōtεnnε sa. ³⁷ Kí, m̀be ḱinanō ḱina ũ. Luda Musude n kpa kpatan kōn ikoo kōn gb̄aaao kōn gakuio. ³⁸ À gb̀enteenō kōn ǹb̀s̄ētεnō kōn b̄aanō n̄annε n ɔ̀zĩ. Guu k̀ aō kún p̄ngi négō de ǹ ḱina ũmε. Mbe mì k̀ de vura p̀ ũ. ³⁹ Kpata p̄ande é b̀ n k̄pεε, eé ká n kpata ũro. Beee gb̄era à aagōdee é b̀ à da andunala p̄ngi. Beeen m̀gotē p̀ ũ. ⁴⁰ Kpata siigōdee é m̀, eégō gb̄aa lán m̀si bà, zaake m̀si è p̀ p̄ngi wíwi à ǹ tí bome. Lán m̀si è p̀ wíwi nà, len eé kpata káakup̄nō mì de à ǹ ke dúgudugu le. ⁴¹ Lán n à gbálanō kōn gbánenō è nà, à gukenō de gũ kpatana ũ bensō à gukenō de m̀si ũ, len kpata p̀ égō k̄k̄k̄ōana le, m̀de m̀si gb̄aaa égō kú à guumε, zaake ǹ è m̀si kakōana kōn gũo. ⁴² Lán gbáne p̀ gukenō de m̀si ũ nà bensō à gukenō de gũ ũ, len kpata p̀ kpadoo égō gb̄aa v̄i le, à kpadoo égō busana. ⁴³ Lán n m̀si è kakōana kōn gũ kpatanao nà, len gb̀entee boriino égō kú gwe kakōana le, m̀de aé kō síro lán ǹ è m̀si è kō sí kōn gũoro nà.

⁴⁴ Kína p̄inō gurō Luda Musude é kpata k̀ è

kōn kureo kōn googeo kōn kúuo kōn m̄oɔo kōn kōkōp̄oɔo p̄íngi, à kúe à d̄onzi ke p̄ó taka kè kí Nebukan̄eza p̄i kōn vuraò à p̄èe p̄ìne. ⁶ Gb̄ē kè ḡi kúe à d̄onzi ken̄ezi, weé adee zu m̄òdate p̄āsī guu ḡōme. ⁷ Beee yānzi tó gb̄ēo kōkōp̄o p̄ìno ó mà, b̄usu p̄íngi gb̄ēo ke bori p̄íngin yoo, aṣè kúe wà d̄onzi ke vura p̄ó taka p̄ìne.

⁸ Gur̄o beeean s̄oɔoeyād̄ōri ken̄o mò wà Yuda ken̄o káara kè ⁹ aṣ b̄è kí Nebukan̄ezane: Wà n d̄o aafiao Zaaki! ¹⁰ Kí, n yā d̄iè n b̄è, tó gb̄ēo kōkōp̄oɔo ó mà, aṣ kúe wà d̄onzi ke p̄ó taka kè n̄ p̄i kōn vuraò p̄ìne. ¹¹ N b̄è gb̄ē kè èe kúe à d̄onzi ken̄ero, weé adee zu m̄òdate p̄āsī guume. ¹² T̄ò, Yuda ken̄o kuu, n n̄ díe Babil̄onu b̄usu gb̄āadeeno ũ. Aṣ t̄on Sadaraka, Mesaki kōn Ab̄edinegoo. Kí, gb̄ē p̄ìno è n yā maro aṣè n t̄āno gb̄āgb̄āro, bens̄o aṣè d̄onzi ke vura p̄ó taka kè n̄ p̄èe p̄ìnero. ¹³ Ben Nebukan̄eza f̄è maa-maa à b̄è wà móare kōn Sadarakao kōn Mesakio kōn Ab̄edinegoo. Ben wà mò wà gb̄ē p̄ìno kp̄aa. ¹⁴ Nebukan̄eza n̄ lá à b̄è: Sadaraka, Mesaki kōn Ab̄edinegoo, ée gii ma t̄āno gb̄āgb̄āzi yāp̄uran yó? Ée gii d̄onzi ke vura p̄ó taka kè má p̄èenezin yó? ¹⁵ Tó a soru kè à kúe à d̄onzi ke p̄ó taka kè má p̄i p̄ìne gur̄o kè a p̄oɔo ó mà, eé ke maa, m̄ode tó ée d̄onzi ken̄ero, weé a zu m̄òdate p̄āsī guu ḡōme. T̄aa kp̄aree bé eé f̄o à a b̄o ma ōz̄i? ¹⁶ Aṣ b̄è: Kí, à zé v̄i wà wa z̄inda b̄oro. ¹⁷ Kí, tó wà wa zu m̄òdate guu, wa Dii kè weé zò d̄ozi é f̄o à wa b̄on à wa sí n̄ ōz̄i. ¹⁸ Baa tó èe ke s̄oro, ñḡo d̄o kè wé n t̄āno gb̄āgb̄āro. Wé d̄onzi ke vura p̄ó taka kè n̄ p̄ènero. ¹⁹ Ben Nebukan̄eza p̄o f̄è p̄āsīp̄āsī à uu sisiñzi. À b̄è wà m̄òdate kaara de yā p̄óla leo sw̄eplaa. ²⁰ Ben à ò a z̄ikpe ḡosagb̄āa ken̄one aṣ

Sadaraka kōn Mesakio kōn Abēdinēgoo yiya wà ñ zu m̀date pāsī pì guu. ²¹ Ben gōsa pìno ñ yíyi kōn ñ pókāsāa kè aō danano, utano kōn sòkotonō kōn lawanino píngi, ben aō ñ sé wà ñ zu m̀date pāsī pì guu. ²² Lán kína yā diē pāsīpāsī nà bensō m̀date pì wà maamaa, ben té puusu gōsagbāaa kè aō ñ zún pìno lè à ñ déde. ²³ Gōon aagōo pìno sō aō gāa wà si m̀date gbāaa pì guu yiyina.

²⁴ Ben kí Nebukanēza kè g̀ri à f̀e à zè, ben à a ibanō là à b̀e: Gōon aagōn wà zù tén yiyinaroo? Aō wèala wà b̀e: Lemē kí! ²⁵ Ben à b̀e: À gwa! Gōon siigōn má è. Aō porona aōe t́aa oo té pì guu bensō èe p̀ke worómaro. Aō gōon siigōdee b̀kōba Luda Né keo. ²⁶ Ben à s̀ m̀date pì lézi à b̀e: Sadaraka, Mesaki kōn Abēdinēgoo, Luda Musude z̀blerino, à b̀e. Ben aō b̀e té pìn. ²⁷ B̀usu gbēnsino kōn lédammarino kōn z̀kpe gbēnsino kōn gbāadeeno kōn ḱnanaō k̀kōanzi aō è té pì e f̀ à p̀ke wòrmaro. Baa aō mikā e té k̀uro, aō utano e yakaro, wèe t̀sukpe gūu maríma sero. ²⁸ Ben Nebukanēza b̀e: Wà Sadaraka kōn Mesakio kōn Abēdinēgoo Luda sáabu kpá! À a malaika z̀ à a z̀bleri kè aō à náane v́ino mì sì. Aō g̀ yā kè má diē kezi aō ñ źnda kpà gaaa, lē wàton kúe wà donzi ke dii p̀andenoro yánzi, sé ñ Dii. ²⁹ Beee yánzi yā kè má diē yè. Tó gbēke Sadaraka kōn Mesakio kōn Abēdinēgoo Luda t́ zaaa sì, b̀usu píngi gbē ke bori kporeen yoo, weé à z̀z̀k̀re wà à ua ke tuburaa ūmē. Zaake dii p̀ande é f̀ à gbē mì sí lero. ³⁰ Ben kína Sadaraka kōn Mesakio kōn Abēdinēgoo gwena k̀arañne Babilonu b̀usun.

4

Nebukanēza nana'ona lí yā musu

¹ Kí Nebukanēza bé èe yā kè oo gbē píngine, bùsu gbē píngi kōn borii kè kú anduna guu píngio à bè: Àgō kuu kōn aafiao maamaa! ² Má è à kè maa mà dabuyā kōn yābōnsaε kè Luda Musude kēmēεnɔ oare. ³ À dabuyānɔ bíta fá! À yābōnsaεnɔ pāsī. À kpata yāana vīro, à kíblena égō kuu gurɔ píngime.

⁴ Mamɔma Nebukanēza má kú nnamana guu ma bε, ma làakari kpáεna, ⁵ ben ma nanaa ò ai vīa ma kú. Kè má daεna ma gádo musu yā kè má è kōn laasuu kè má lèò tò swè kèmagu. ⁶ Má diε kè wà mómε kōn Babilɔnu òndōrinɔ n píngi aō nanaa pì bókōtεmε. ⁷ Kè asidōrinɔ kōn dabudabukerinɔ kōn sɔsɔneyādōrinɔ kōn māsokerinɔ mò, ben ma nanaa pì yā óinne, aōε fō wà à bókōtεmεro. ⁸ Zāazāan Danieli kè wà ma tāa tó kpàε, kè wè benε Betesaza mò ma kiia, ben ma nanaa pì ònε. À Luda kè kú adona Ninii vī. ⁹ Ma bè: Betesaza, òndōrinɔ gbēnsi, má dō kè n Luda kè kú adona Ninii vī, asiiyā ègō zī'ũnnεro. Yā kè má è nanaa guun yè. N à bókōtεmε. ¹⁰ Pó kè má è ma laasuu guu gurɔ kè má daεna ma gádo musun yè. Mée guu gwaa ben ma lí è zεna tɔtε gura súusu, à lezī maamaa. ¹¹ Lí pì bíta kù à gbà ai à misōntē gāa à zō ludambεεa. Wè lí pì e zaa anduna lé zekiinɔa píngi. ¹² À lánɔɔ maa, à né ì bíta, à póblee mò gbē píngia. Nòbɔsētεnɔ ɔra è à gbáru, bāanɔ è mó wà zōzō à gānɔa. Pó wèndide píngi è póblee ea.

¹³ Mée pó pì ee wéegupu guu gurɔ kè má daεna ma gádoa, ben ma malaika è bɔna ludambε. ¹⁴ À lé zù gbāngbān à bè: À lí pì zō à né à à gānɔ kēε.

À à lánɔ wɔrɔ à à bɛɛnɔ fáakɔ̃a. À tó nòbɔnɔ bàà lé wà kɛ̃a. À tó bāanɔ bɔɛ à lánɔ guu. ¹⁵ Mɔde à lí pì kusu kɔ̃n à kāsāanɔ tó tɔɔte guu à m̀̀si gada kpáne kɔ̃n m̀̀gotɛ p̀̀o sɛ̀ guu gwe. Kpíí é kpáàla, eégɔ́ kú sɛ̀n gwe kɔ̃n nòbɔnɔ. ¹⁶ À mì é likɔ̃a, à laasuu é gɔ́ lán nòbɔnɔ p̀̀o bà ai wɛ̀ swɛɛplaa. ¹⁷ Malaikanɔ bé wà yā kè Ludaa diɛ p̀̀i ò, à ìba p̀̀inɔ bé wà yā kè Luda zèo kpàakpa kè, lɛ gbɛ̀ kè aɔ̃ kuunɔ e wà dɔ́ kè Luda Musude bé à iko vī gbɛ̀ntee kpatanɔa. È gbɛ̀ kpá kpatan lán à yezi nà, baa gbɛ̀ kè kēsāna. ¹⁸ Mamɔma kí Nɛbukaneza, nanaa kè má òn gwe. Bɛtesaza, ò à bɔkɔ̃temɛ sa, zaake ma kpata ɔ̃ndɔ̃ri kee e f̃ɔ́ à b̀̀kɔ̃temɛro. Mɔde né f̃ɔ́, zaake ò Luda kè kú adona Ninii vī.

Danieli nana bɔkɔ̃tena kínane

¹⁹ Ben Danieli kè wè bɛnɛ dɔ́ Bɛtesaza bídi kè yā p̀̀ia. Laasuu kè èe lɛɛ tò swɛ̀ kɛ̀n. Ben kína bè: Bɛtesaza, ònton tó nanaa p̀̀i kɔ̃n à bɔkɔ̃tenao n vīa kũro. Ben Bɛtesaza bènɛ: Ma dii, Luda tó nanaa p̀̀i gɔ́ de n zangurinɔ yā ũ. Luda tó à bɔkɔ̃tena gɔ́ de n ibɛɛnɔ yā ũ. ²⁰ Lí kè ò é bíta bensɔ́ à gbāa ai à mìsɔ̃ntɛ z̃̀ ludambɛɛa, ben wè e zaa anduna lé zekiinɔa p̀̀ingi. ²¹ À lánɔ̃ maa, à né ò bíta, à p̀̀obleɛ m̀̀o gbɛ̀ p̀̀ingia. Nòbɔ̃sɛ̃tenɔ̃ kú à gbáru, bāanɔ è m̀̀o z̃̀z̃̀ à g̃anɔa. ²² Kí, m̀̀be lí p̀̀i ũ. N iko bíta bensɔ́ ò gbāa vī. N bítakeɛ gbà à z̃̀ ludambɛɛa, n kpata ɔ̃ tà ai anduna léa. ²³ Kí, n malaika ke è bɔna ludambɛ̀ à bè: À lí p̀̀i z̃̀ à ke p̀̀ɔ̃p̃̀, m̀̀de à à kusu kɔ̃n à kāsāanɔ tó tɔ̃ten. À m̀̀si gada kpáne kɔ̃n m̀̀gotɛo sɛ̀ guu gwe. Kpíí é kpáàla, eégɔ́ kú kɔ̃n nòbɔ̃sɛ̃tenɔ̃ ai wɛ̀ swɛɛplaa.

24 Kí, à bɔkɔ̄tɛnan yè. Yã kè Luda Musude diè ma dii kína yã musun yè. 25 Weé pémma wà n bɔ gbēnteenɔ té, négɔ́ kú kɔ̄n nòbɔ̄sētɛnɔ́ négɔ́ sè soo lán zù bà. Kpíí é n gbē, négɔ́ kuu lɛ wè swɛɛplaa ai n gá dɔ̄ kè Luda Musude bé à iko vī gbēntee kpatanɔ̄, è gbē kpá kpatan lán à yezi nà. 26 Lán à bè wà líkusu kɔ̄n à kāsāanɔ́ tó nà, beee bè tó n Luda dɔ̄ ikodee ũ, eé ɛara à n kpá kpatan. 27 Beee yānzi kí, n ma lédamma kè ma. N kē n durunnɔ̄a ñgɔ́ yã kɛɛ a zéa. N n yã zaakɛna tó ñgɔ́ gbēkɛɛ kɛɛ takaasideenɔ̄nɛ, ke n nnamana égɔ́ gaa gwɛɛ.

28 Yã pìnɔ́ kí Nɛbukanzɛza lè pínɡi. 29 Mɔ́ kuri awɛɛplaaa gbɛra kína e táa oo a bɛ kpé bíta musu Babilɔ̄nu. 30 Ben à bè: Babilɔ̄nu bíta kè má kàɛ ma kíblekii ũun yèroo? Má kàɛ kɔ̄n ma iko gbāāao ma kíkɛ gakui yānzime. 31 Ai kína gɔ́ yã pì o à yāa, kòto ke bɔ́ ludambe à bè: Kí Nɛbukanzɛza, yã kè wà ò n yã musun yè: Wà n bɔ́ kpatan sa. 32 Weé pémma wà n bɔ́ gbēnteenɔ́ té, négɔ́ kú kɔ̄n nòbɔ̄sētɛnɔ́ négɔ́ sè soo lán zù bà. Néɡɔ́ kuu lɛ wè swɛɛplaa ai n gá dɔ̄ kè Luda Musude bé à iko vī gbēntee kpatanɔ̄, è gbē kpá kpatan lán à yezi nà. 33 Gwe gɔ̄ɔ́ yã kè wà ò Nɛbukanzɛza musu kè. Wà pèa wà à bɔ́ gbēnteenɔ́ té, à sè sò lán zù bà, kpíí à yàku. À mikā gbà lán kúu kã bà, à onkɔ̄kɔ́ bòbɔ́ sòɔ̄sɔ̄ɔ̄ lán bā onkɔ̄kɔ́ bà.

34 Kè wè swɛɛplaaa pì pàpa, mamɔ̄ma Nɛbukanzɛza ma wée sè ma musu gwà, ben ma su ma làakaria. Ben ma Luda Musude sáabu kpà ma Gurɔ́pingide tó kpà ma bèè line. Zaake à kíkɛ yāana vīro, à kpata égɔ́ kuu gurɔ́ pínɡi. 35 Gbē kè aɔ̄ɔ́ kú anduna guunɔ́ n pínɡi dɛnɛ póke ũro. È kɛ lán à

yezi nà kōn gbāadee kè aṣo kú musunṣo kōn gbēntee kè aṣo kú tṣoteno. Gbēke è fṣ à kpànero, gbēke è fṣ à beṅe bón è keero.

³⁶ Gurṣo kè ma su ma làakaria, ben ma ɛara ma su ma kíkɛgakuin kōn bèeṣo kōn bítakeeṣo. Ma ìbanṣo kōn ma bùsu gbāadeenṣo ma gbeka, aṣ ma ka kpatan, ben ma iko de káakupola. ³⁷ Mamṣoma Nɛbukaneza mée musu Kína sáabu kpaa sa mée bèe liine mée à tṣ kpaa, zaake à yākenanṣo maa píngi, ègṣ yā kee a zéa. Eé fṣ à gbē kè è a zīnda sé lezī busa.

5

Yā kēna gù

¹ Kí Belisaza a bùsu gbāadeenṣo sìsi zībaa póbleea gṣṣon wàa sṣoro, ben èe wēe miiṣyo. ² Kè à pṣo kè í pìà nna, à bè wà mó kōn vura ímibṣo kōn kondogi ímibṣo kè a dezi Nɛbukaneza sèe Luda kpén Yerusalemunṣo lè à í mio, àpi kōn a bùsu gbāadeenṣo kōn a nṣṣo kōn a nṣo yìgisainṣo. ³ Ben wà mò kōn togoo pìṣo, aṣṣe í miiṣo. ⁴ Kè aṣṣe wēe mii, aṣṣe tãa kè wà ñ ké kōn vuraṣo kōn kondogio kōn mṣgotṣo kōn mṣsio kōn lío kōn gbèṣo sáabu kpaa. ⁵ Gwe gṣṣo gbēntee ṣṣo bṣ fitia'izi, èe ṣgbɛ kēe kíbe gù kè lólṣnaa. Kína ṣṣo pì è, èe pṣ kēe, ⁶ ben à laasuu tò swè kèn. À uu yàkṣte à gbāaa bùsa, ben à gbánṣo e lugalugaa. ⁷ À wii gbāaa lè à bè, wà mó kōn asidṣrinṣo kōn sṣṣṣneyādṣrinṣo kōn māsokerinṣo. Ben à bè Babilṣnu ṣndṣri pìṣṣe: Gbē kè ṣgbɛ kèki kyó kè ben à à bṣkṣteme, mé gumusu tēa kōn vura kāmbeṣeṣo dane, eé gṣ ma bùsu gbāadeenṣo gbē aagṣdee ũ. ⁸ Kè kína ṣndṣri pìṣṣo gè ñ píngi, ben aṣ gbēkee e fṣ à ṣgbɛ pì kyó kè à à bṣkṣtenero. ⁹ Swè èara à kè kí Belisazan

maamaa, à èara à uu yàkõte, ben à bùsu gbẽnsino gõ bídi guu.

¹⁰ Kè kí naõ kína kõn bùsu gbẽnsino zõka mà, à gènzì pòblekiia à bè: Wà n dõ kõn aafiao Zaaki! Nton tó n laasuu n nõse yakaro, nton tó n uu gõ sisinaro.

¹¹ Gbẽkee kú n bùsun kè, à Luda kè kú adona Ninii vī. N dezi Nebukanεza gurõ wà è à làakari vī kõn wéεzεεo kõn õndõõo lán Luda bà. N dezi à diε wéεzεrinõ kõn asidõrinõ kõn sɔsɔneyádõrinõ kõn màsokerinõ gbẽnsi ũ. ¹² À õndõ kõn à dõnao pāsī, è yā píngi ma. È nanaano bókõte è yā zī'ũunõ yási tškē kõn yàlekõzinano. À tón Danieli. Kína tó kpàne dõ Betesaza. N à sísi se, eé yā pì bókõtenne.

¹³ Kè wà mò kõn Danielio kína pì kiia, ben kína bène: Mbe zìzõ kè wè be Danieli kè ma dezi bõo Yudano bùsun úó? ¹⁴ Má mà wà bè ñ Luda Ninii vī, ñ làakari vī kõn wéεzεεo kõn õndõ wéεbõnao. ¹⁵ Wà mòme kõn õndõrinõ kõn yā'asidõrinõ tia, le aõ ɔgbε kè kyó ke aõ à bókõteme, mode aõε fĩro. ¹⁶ Má mà wà bè neè fĩ ñ yāno bókõte neè fĩ ñ yàlekõzinano tškē. Tó n fĩ n ɔgbε kè kyó kè n à bókõteme, mé gumusu tēa kõn vura kámbeεo danne, né gõ ma bùsu gbãadeeno gbẽ aagõdee ũ. ¹⁷ Ben Danieli bène: N n gbaano kũ ñ asaiapo pì kpá gbẽ pãndea. Mode baa kõn beεeo mé ɔgbε pì kyó kenne kí, mé sõ bókõtenne. ¹⁸ Kí, Luda Musude bé à kíkε kõn bítakeεo kõn gakuio kõn bèεo kpà n dezi Nebukanεzaa. ¹⁹ Lán à à sè lezī nà, gbẽ píngi à vīa vī, aõè mì siεne, bori píngi ke yā'ona bori píngin yoo. Gbẽ kè à yezi à à de, è à demε. Gbẽ kè à yezi à à bõ, è à bõmε. Gbẽ kè à yezi à gwena kaaranε, è à kaara. Gbẽ kè à yezi à à busa, è à busame. ²⁰ Mode kè à a zīnda sè lezī à swā gbãa kù bensõ à

zaza kù, ben Luda à bò kpatan à à gakui kò è. ²¹ Wà pèa wà à bò gbēnteenɔ té, à laasuu gò lán nòbɔnɔ pò bà. À kú kɔ̃n sakenɔ à sè sò lán zù bà. Kpíi à yàku, ben à dɔ̃ sa kè Luda Musude bé à iko vī gbēntee kpatanɔa, è gbē kè à yezi kpá kpatan. ²² Mpi sō Belisaza, à dion n ũ. Baa kè n̄ yā pìnɔ dō píngi, née n zīnda busaro. ²³ N dɔ̃kè Dii Musudeo n̄ tò wà mò kɔ̃n à kpé togoonɔ, ben mpi kɔ̃n n b̀usu gbēnsinɔ kɔ̃n n nɔɔnɔ kɔ̃n n nɔ yìgisainɔ wēε miò, ben n t̄aa kè wà kè kɔ̃n vuraò kɔ̃n kondogio kɔ̃n m̀ogot̄eo kɔ̃n m̀osio kɔ̃n lío kɔ̃n gbèò sáabu kpà, pò kè āè guu ero āè yā maro bensō āɔ d̄ona vīroonɔ. N ẁendi kɔ̃n n ziaao kú Luda ɔ̄zīme, ben née bèε línero. ²⁴ Beee yānzin à tò ɔɔ pì mò à ɔgbε pì k̄zi.

²⁵ Yā kè ɔɔ pì k̄n̄ yè: Mene, mene, tekeli, paasi. ²⁶ Yā pìnɔ bok̄t̄enan̄ yè: Mene bè, Luda n kiblegurɔɔ nàro à à lé zè. ²⁷ Tekeli bè, wà n tiisi lé gwà kilooa wà è née kiloo séro. ²⁸ Paasi bè, wà n kpata kpàatete Midiánɔ kɔ̃n Pesianɔne.

²⁹ Belisaza yā ò a ìbanɔne, ben āɔ gumusu t̄ea kɔ̃n vura k̄ambεεo dà Danieline wà kpàakpa kè wà bè, b̀usu gbāadeenɔ gbē aaḡdeen̄ à ũ. ³⁰ Gwāavī d̄onk̄ò pì guun wà Babilɔnia kí Belisaza dè. ³¹ Midiā borii kè wè benε Dariusu bé à v̄èε à ḡεε ũ a w̄è baaaḡ awεεplaadee guu.

6

Danieli zuna músunɔ ẁen̄

¹ À kà Dariusune à b̀usu gbāadeenɔ diε ḡɔɔn baswεedo, ben à n̄ díediε a b̀usun̄ píngi. ² À ḡɔɔn aaḡɔɔ diε n̄ gbēnsinɔ ũ. Danieli né ḡɔɔn aaḡɔɔ pìnɔ dokeme. B̀usu gbāadeenɔ è n̄ yānɔ t̄k̄ē gbē pìnɔne,

le wàton áсарu ke kínanero yānzi. ³ Danieli ñndõ wéebõna de gbënsinõla kõn bùsu gbãadeenõ ñ píngi, ben kína zèò à à diè a bùsu gbënsi ù. ⁴ Ben gbënsinõ kõn bùsu gbãadeenõ e zé weteε wà yáke ea kpata kè à blè yā musu, mode à taari vīro, aõe yáke earo, zaake à náane vī a yákena guu píngi. È pā kpá yákeziro è sāsā yákearo. ⁵ Ben aõ bè: Wé yákee e Danieliaro, tó èe ke à Luda doka musu baasiro. ⁶ Ben gbënsinõ kõn gbãadeenõ mì pèkõre aõ gàa wà kína lè wà bè: Kí Dariusu, wà n dõ kõn aafiao! ⁷ Wamõwa gbënsinõ kõn kínanõ kõn zìkpe gbënsinõ kõn gbãadeenõ kõn lédammarinõ kõn n ìbanõ ñ píngi, wa lé kpàkõsõ wá è à maa ñ yā kè diè ñgõ zīi keεa. Gurõ baaakuri daguran tó gbë wée kè dii kea ke gbënten yoo, tó èe ke mpi baasiro, wà adee sé wà zu músunõ wèen. ⁸ Kí, ñ yā pì diè sa ñ ò da takada kèn, le gbëke tón yā pì liero yānzi. Eégõ de Midiãnõ kõn Pesianõ doka kè weé f̃ wà gbororo ù. ⁹ Ben kí Dariusu yā pì diè à a ò dà takadan.

¹⁰ Kè Danieli mà wà yā pì diè, à tà be. À kpé kè kú musu windonõ ae dõ Yerusalemua wëwëna. Ben à kùe à adua kè à Luda sáabu kpà, lán è ke nà lán guu e dõ nà gèn aagõgõ. ¹¹ Ben gbë pìnõ mì pèkõre aõ gàa wà à è èe adua keε èe donle wée keε Luda. ¹² Ben aõ gàa wà kína lè yā kè à diè pì musu wà bè: N yā diè n bè ai gurõ baaakuri dagura gbë kè wée kè dii kea ke gbënten yoo, tó èe ke mpi baasiro, weé adee sé wà zu músunõ wèe guumε. Ben kína bè: Yā pì seka vīro, à gõ Midiãnõ kõn Pesianõ doka kè weé f̃ wà gbororo ùmε. ¹³ Ben aõ bène: Yudanõ bùsu zìzõ Danieli è n yā daro ke yā kè ñ diè pì. Ègõ adua keε lán guu e dõ nà gèn aagõgõmε. ¹⁴ Kè kína yā pì

mà, à kènne zaa maamaa. À zèo à Danieli mì sí, ben èe à bɔna zé weteε ai ɔfántē gaa à gèo kpén. ¹⁵ Ben gbē pìnɔ èara wà pèkɔre wà gaa wà kína lè wà bè: Kí, n̄ Midiānɔ kɔn Pesianɔ doka dɔ, wà bè yā kè kína diε kɔn yā kè à gizio liena vīro. ¹⁶ Ben kína bè wà mó kɔn Danielio wà à zu músunɔ wèen. Kína bè Danieline: N Luda kè neègɔ dɔnzi keεne gurɔ pínɡi n bɔ!

¹⁷ Kè wà à zù wèe pì guu, wà gbè sè wà tàta wèe pì léa, ben kína sèeda kèa kɔn a tāngao kɔn a bùsu gbāadeenɔ tānganɔ, le gbēke tón yāke liε Danieli musuro yānzi. ¹⁸ Ben kína tà be à gì pɔ ble gwāāvī beeeazi, bensɔ èe a nɔgbē ke yā gbekaro. Èe fɔ à ii òro. ¹⁹ Kè guu dɔ, guwεε e kēε, ben kína pì fèe à gaa músunɔ wèe pì kiia kpakpaa. ²⁰ Kè à sɔ wèe pìzi, à lé zù Danielizi kɔn pɔsɔiaa à bè: Danieli, Danieli, Luda Wèndide zòbleri! N Luda kè neègɔ dɔnzi keεne gurɔ pínɡi fɔ à n bɔ músunɔ lézĩó? ²¹ Danieli wèàla à bè: Luda n dɔ aafiao Zaaki! ²² Ma Luda a malaika zĩ, à mò à músunɔ lé nàkɔa, aɔɔe ma kēnnaro, zaake ma denε taarisaidee ũ. Kí, méε taari ke kenne zikiro. ²³ Kína pɔɔ kè nna maamaa, ben à bè wà Danieli gá wà à bɔ wèe pì guu. Kè wà à bɔ, wèe e à kènna gukearo kè à Luda náane kena yānzi. ²⁴ Ben kína bè wà mó kɔn gbē kè aɔ yā di Danielianɔ, ben wà n̄ zúzu wèe pì guu se kɔn n̄ nénɔ kɔn n̄ naɔnɔo. Ai aɔgɔ gá tɔɔte le, músunɔ n̄ dā aɔ n̄ kùkù aɔ n̄ wánɔ wìwi pínɡi.

²⁵ Kí Dariusu takada kè gbē kè aɔ kú a bùsu guunɔne n̄ pínɡi kɔn bori sānda pínɡio à bè: Àgɔ kú aafiao maamaa! ²⁶ Ma yā kè diε ma bùsu gbē pínɡine, kè aɔgɔ Danieli Luda vīa vī aɔ dɔnzi keεne. Zaake Luda Wèndide kè kuu gurɔ pínɡin à ũ. À

kpata yāana vīro, ègõ kí blee gurɔ píngime. ²⁷ È gbē mì sí è n̄ bɔ. È dabuyānɔ kɔn yābɔnsaenɔ ke musu kɔn tɔɔtɔ. Àmbe à Danieli bɔ̀ m̀́sunɔ l̀́zĩ. ²⁸ Danieli gbāaa è Dariusu kíbleguro kɔn Pesia bori Sirusu kíbleguroɔɔ.

7

Danieli wéegupu'ena pɔ̀ bēe m̀́n siigɔɔnɔ yā musu

¹ Babilɔnu kí Belisaza kíblena wè káaku guu Danieli wéegupu è, à yāke è a laasuu guu gurɔ̀ kè à daena a gádoa, ben à wéegupu pì yā kè takadan à à yā m̀́nɔ ò. ² Danieli bè: Mée guu gwaa wéegupu'ena guu gwāavĩ, ben ma ludambe ĩa m̀́n siigɔ̀ è, aɔ̀e kakaa ísia bítala. ³ Ben pɔ̀ bēe bíta m̀́n siigɔ̀nɔ bɔ̀ ísiaan, aɔ̀ borii bɔ̀ doodo. ⁴ À káakudee bɔ̀ lán m̀́su kè à kúu d̀́benɔ v̄i b̄a. Kè mée gwaa, wà à d̀́be wòwoa, ben wà à sè wà zè à gbá plaaaa lán gbēntee b̄a, ben wà gbēntee swè d̀́anɛ. ⁵ Ben ma pɔ̀ bēe plaadee è, à bɔ̀ lán kp̄era b̄a. À ḡek̄ek̄ek̄ena, gb̄ant̄ewa m̀́n aagɔ̀ kp̄ana à l̀́zĩ. Ben wà bène à f̄e à n̄bɔ̀ só maamaa. ⁶ Beee gb̄era ma guu gwà, ben ma pɔ̀ bēe p̄ande è, à bɔ̀ lán gb̄eka b̄a. À d̀́be v̄i a kp̄ea lán b̄aa b̄a m̀́n siigɔ̀ bens̄ à m̀́ v̄i m̀́n siigɔ̀. Wà à kp̄a kpatan. ⁷ Beee gb̄era kè mée guu gwaa wéegupu pì guu gwāavĩ l̄e, ma pɔ̀ bēe siigɔ̀dee è, è tó v̄ia gb̄e k̄u ai swè k̄n. À gb̄aaa s̄aa v̄iro. À swaa né m̀́sim̄e bens̄ à bíta, è pɔ̀ sóo, à w̄iwi, è k̄es̄e p̄eep̄e à kp̄aaa kè ḡa. À bɔ̀ ado kɔn pɔ̀ bēe kè aɔ̀ d̀́nɛ aenɔ. À koba m̀́n kuri. ⁸ Kè mée laasuu l̄e à koba p̄inɔ yā musu, ben ma koba p̄ande è, à néngo èe bɔ̀ n̄ t̄e, ben koba káaku m̀́n aagɔ̀nɔ wòwo aɔ̀ guu b̀́nɛ. Má è koba

néngo pì wée vī lán gbēntee pò bà. À lé vī dɔ kè ègɔ wada yā oo.

⁹ Kè mée gwaa, má è wà kiblekitanɔ kàε, ben Tontoride mò à vèεa. À pòkāsāanɔ de pú fénfén lán buu bà, à mikā de lán sākā bà. À kiblekita de ténεne ũ, à górogbanɔ vī aɔɔe té bɔɔ. ¹⁰ Té bò à gīzī èè bàa lεε à aε lán swaa bà. Gɔɔn bɔɔɔ lεo bɔɔɔ e ìba bleenε, gbē kè aɔɔ zεna à aεnɔ kà gɔɔn miliɔ basɔɔro. Yákpækérinɔ vèε, ben wà takadanɔ wèwē. ¹¹ Ben má kpé mée tàasi kεε wada yā kè koba pì e oo yānzi, ben má kpé mée gwaa ai wà gàa wà pò bēε pì dè wà à gè dúgu zè wà sè wà zù tén. ¹² Wà pò bēε pāndenɔ bò kpatan, mɔde wà ní tó wèndio ai gurɔ plaa.

¹³ Kè mée guu gwaa gwāavī wéεgupu pì guu lε, ben ma pò è lán gbēntee né bà, èe mɔɔ ludambe luguun. Kè à kà, ben wà à kpan'aε kè wà gàao Tontoride kiia. ¹⁴ À à kpà kpatan à iko kpàa kɔn gakuio, ben baade píngi dɔnzi kènε, bùsu píngi gbē kɔn bori sānda píngio. À iko égɔ kuu gurɔ píngi à yāana vīro, à kpata é mì de zikiro.

Wéεgupu bɔkɔtεna

¹⁵ Mamɔma Danieli ma pɔɔ yàka. Yā kè mée ee ma laasuu guu tò swè kèmagu. ¹⁶ Ma sɔ gbē kè aɔɔ zεna gweenɔ dokezi ma yā pìnɔ yāpuraa gbèkaa píngi. Ben à yā òmε à yā pìnɔ bɔkɔtεmε. ¹⁷ Pò bēε bíta mèn siigɔɔ pìnɔ né kpata mèn siigɔɔ kè aɔé bɔ anduna guunɔmε. ¹⁸ Mɔde Luda Musude gbēnɔ bé wé kpata sí wà ble aɔégɔ vī gurɔ píngi, kpata pì égɔ yāana vīro. ¹⁹ Beee gbera má yezi mà yāpuraa dɔ pò bēε siigɔde yā musu. À taka bò ado kɔn pò bēε kpaaanɔmε, è tó vīa gbē kū de à kpaaanɔla. À swaa

né m̀̀simε, à ɔnkɔkɔ né m̀̀gotẽmε, è pɔ sɔ à wíwi è k̀̀εε p̀̀εεε à kpaaa k̀̀ε g̀̀ɔa. ²⁰ Má yezi mà koba m̀̀n kuri k̀̀ε aɔ kú à m̀̀lano yáasi d̄ɔ d̄ɔ k̄ɔn koba k̀̀ε b̀̀ ben koba m̀̀n aaḡɔɔɔ ẁ̀wo wà guu t̀̀nεo. Koba p̀̀i ẁ̀εε v̄i k̄ɔn léo, è wada yã o, à zena gbãa dε à kpaanɔla. ²¹ K̀̀ε má kp̀̀é m̀̀εε gwaa, koba p̀̀i e z̄i kaa k̄ɔn Luda gb̄ẽɔ èe n̄ fuu. ²² Ben Tontoride p̀̀i m̀̀ à yã nnaa kpà a gb̄ẽ p̄inɔa, zaake kpata ḡɔna Luda Musude gb̄ẽɔ p̀̀o ũ gurɔɔ bé à kà.

²³ Wà bèmε lán k̀̀ε bà. P̀̀o b̄εε m̀̀n siiḡɔdee p̀̀i né kpata siiḡɔdee k̀̀ε eé b̀̀ anduna guumε. À taka b̀̀ ado k̄ɔn kpata kpaanɔ, eé da andunala p̄ingi à k̀̀εε p̀̀εεεε à wíwi. ²⁴ Koba m̀̀n kuri p̄inɔ né kpata p̀̀i k̄ina ḡɔɔn kuri k̀̀ε aɔé kí bleenɔmε. K̄ina k̀̀ε b̀̀ adona k̄ɔn à káakup̄ɔɔn é fεε n̄ gbera eé kí ḡɔɔn aaḡɔɔɔ b̀̀ kpattan. ²⁵ Eé Luda Musude t̄ zaaa sí eé gbãa m̀̀ à gb̄ẽɔnε eé wεε à z̄ibaa gurɔɔɔ k̄ɔn doka k̀̀ε Ludaa dienɔ liε. Wà Luda gb̄ẽɔ nàne à ɔz̄i ẁ̀εε aaḡɔ k̄ɔn a kusuo. ²⁶ M̀̀de yãkpaεkerinɔ é v̄εε aɔ à b̀̀ kpattan, aɔé kpata p̀̀i m̀̀ dε míɔm̄iɔ ai gurɔ p̄ingi ²⁷ gbasa wà anduna kpata p̄ingi k̄ike k̄ɔn ikoo k̄ɔn bítakeεo kpá Luda Musude gb̄ẽɔa. À kpata p̀̀i né kpata k̀̀ε eé yãaromε, kpatablerinɔ é d̄ɔnzi kenε aɔé m̀̀ siene n̄ p̄ingi. ²⁸ Yã p̀̀i lén gwe. Mam̄ma Danieli, ma laasuunɔ t̀̀o v̄ia ma kũ maamaa, ma uu liε, ben má yã p̀̀i kũna ma sw̄èn.

8

Sakaro sẁ̀ekena k̄ɔn bl̀̀ekof̄io

¹ Belisaza k̄iblena ẁ̀εε aaḡɔdee guu mam̄ma Danieli ma ẁ̀εεgupu è à k̀̀ε má è káaku baasi. ² M̀̀εε

guu gwaa ma wéegupu'ena pì guu, ben má è má kú kibe Susa wétédaan Elamu bùsun. Má kú swaa kè wè be Ulai sae. ³ Ma wée sè ma guu gwà, ben ma sākaro è zena swaa pì léa. À koba vī mèn plaa. Aṣṣ gbàa, mōde à doo gbàa de à doola, à kè gbàa pì bò zāame. ⁴ Ma sākaro pì gwà, èe sō dadaa ɔfāntēgēkpen kpa kōn gu'igbāroo kpaa kōn sɔɔmete kpaa, èe koba máemaεε. Nṣṣ kee e fṣ à zè à gìnero, gbēkee e fṣ à bò à gbāaa ɔzīro. Ègṣ a zīnda poyezi keεε, ben à a zīnda sè lezī.

⁵ Mée laasuu leε yā pì, ben ma blèkofii è bona ɔfāntēgēkpen kpa, à bà andunala píngi à gbá e péε tɔtɔero. À koba bíta vī a wéεgbātān. ⁶ À gāa sākaro kè zena swa léa pì kiia, ben à kúu òa kōn pɔfē pāsīo. ⁷ Kè má è à sùzi kōn pɔfēo le, à à gbègbē ai à à koba mèn plaaa pìno è'ε, ben sākaro pì e fṣ à pèaro. Blèkofii à nè à kèse pèεpèεa, gbēkee e fṣ à à bò à ɔzīro. ⁸ Ben blèkofii a zīnda dī, mōde kè à pèε maamaa, à koba bíta pì è, ben koba pāndenɔ bòε wà kpà mèn siigṣ à gēε ũ, aṣ lé dɔdɔ anduna gooda siigṣɔnɔa.

⁹ Koba pìno doke gbàdā néngo bò, ben à bíta kù maamaa. À gāa sɔɔmete kpa kōn ɔfāntēbɔε kpaa kōn bùsu maaa kpaa. ¹⁰ À bíta kù ai à gāa pé ludambe zìkpèεnɔa, ben à sɔsɔne kenɔ wòro à n kwée tɔte à kèse pèεpèεíma. ¹¹ À a zīnda sè à kè sáa kōn zìkpèε pìno Kínao. À saa kè wègṣ ooa lán guu e dɔɔ nà mì dè à à kúkii kè bezī ũ. ¹² Wà zìkari pìno nàne à ɔzī kōn saa kè wègṣ oo lán guu e dɔɔ nào bɔnkpèεyā kè wà kè yānzi, ben à yāpuraa pàε tɔte. Yā kè à kè píngi bò maa. ¹³ Ben má mà malaika e yā oo, ben malaika pānde à là à bè: Wéegupu'ena

yā pì é gá ke ai bɔrɛmɛ? Saa kè wègɔ̄ oo lán guu e dɔɔ nà yā pì kɔ̄n bɔnkpeeyā kè è guu yaka pìo kɔ̄n Luda kpé kparímanao kɔ̄n kèsepepepeena zìkpepe pìnɔao. ¹⁴ Ben à bèmɛ: Eégɔ̄ gaa ai gurɔ̄ wàa kuri awɛedo kpé basɔ̄oro sa'ona kɔ̄ngɔ̄ kɔ̄n uusieo gbera, Luda kpé é gbasa à bɔ maa.

Wéegupu bɔkɔ̄tena

¹⁵ Gurɔ̄ kè mamɔ̄ma Danieli mée wéegupu pì ee le, mée zé wetee mà à yási dɔ̄, ben ma póke è zena ma ae à bɔ lán gɔ̄gbɛ̀ bà. ¹⁶ Ben ma gbɛ̀ntee kòto mà bɔna Ulaizi à le zù à bè: Gablieli, ñ wéegupu kè gbɛ̀ pì è bɔkɔ̄tenɛ. ¹⁷ À sòmazi ma zekiia. Kè èe mɔ̄ɔ, vīa ma kŭ, ben ma dae ma puua. À bèmɛ: Gbɛ̀ntee né, ñgɔ̄ dɔ̄ kè wéegupu kè ñ è de andunayāagurɔ̄ yā ũmɛ. ¹⁸ Gurɔ̄ kè èe yā oome, ii ma kŭ gbāa, má daena ma puua. Ben à ɔ nàma à ma fɛɛ à ma ze. ¹⁹ À bè: Mée yā kè eé mó Luda pɔ̄fɛ̀pitammagurɔ̄ ziakpɛɛ zī oonnemɛ, zaake andunayāagurɔ̄ yāmɛ. ²⁰ Sākaro kobamɛmplaadee kè ñ è pì de Midiānɔ̄ kɔ̄n Pesia kínanɔ̄ ũmɛ. ²¹ Blèkoffi sɔ̄ né Girisi kpatamɛ. Koba bíta kè dɔ̄ à wéegbātān de à kína káaku ũ. ²² Koba mèn siigɔ̄ kè aɔ̀ bɔ̀e koba kè è gɛ̀e ũu pì né kpata mèn siigɔ̄ kè aɔ̀é bɔ̀e à borii guunɔ̄mɛ, mɔ̄de aɔ̀ gbāaa é ká lán à bàro.

²³ Aɔ̀ kíblena gurɔ̄ zāa zī, tó aɔ̀ taarikena lé kà, kína uu fɛ̀kpana mɔ̄nafikide kàsara é fɛɛ. ²⁴ À gbāaa é kaara, èe ke kɔ̄n à zīnda gbāaaonlo. À pókaatena é swè kɛ̀ngu. Yā kè eé ke píngi égɔ̄ papanamɛ, eé gɔ̄sagbāaanɔ̄ kɔ̄n Luda gbɛ̀nɔ̄ dúgu zɔ̄. ²⁵ À ñndɔ̄ guu à mɔ̄nafiki égɔ̄ papanamɛ, eégɔ̄ daa a ka. Tó

gbēnɔ yāke dōnaro, ben eé n̄ dúgu zō paripari eé fεε kōn kínanɔ Kínao. Weé à kaate, mɔde gbēntee ɔnlo.

²⁶ Sa kɔngɔ kōn sa uusieo ogurɔ wéεgupu kè n̄ è né yāpuraame. N̄ yā pì ká takadan, zaake eé ke ziakpεε zīme. ²⁷ Mamɔma Danieli ma gbāaa yāa, ben ma gyāa kè gurɔ plaa. Kè ma fεε, ma εara ma zīi kè kínane. Ma bídi kè wéεgupu kè má è pì yāa, méε à bokōtēna dōro.

9

Danieli aduakena

¹ Asueru né Dariusu, Midiā bori kíblena Babilɔnia b̀usun wè káaku guu, ² mamɔma Danieli ma yā kè Dii ò annabi Yeremayane è takadan à bè, Yerusalemu é gō bezī ũ wè baaagō akurime. ³ Ben ma ae d̀ Dii Ludaa ma kúε kène ma wéε kèa kōn léyinao kōn túbuo kuna ma m̀ia kōn p̄sia utanoɔ dana. ⁴ Ma adua kè Dii ma Ludaa, ma a gbēnɔ durunɔ òne ma bè:

N̄ yā nna Dii Luda. N̄ bíta bensō n̄ naasi v̄i. Neègō n̄ bà kuuna kōn gbē kè aō yenzi aōè n̄ yā maano k̄na náane guu. ⁵ Wa durun kè wa yā zaaa kè. Wa taari kène wa kpεε l̄inne. Wa bɔ yā kè n̄ diε kōn n̄ dokano kpεε. ⁶ N̄ z̀bleri annabinɔ yā ò wa kínanone kōn wa kpatablerinɔ kōn wa dezino kōn wa b̀usu gbēnɔ n̄ píngi kōn n̄ t́o, ben wéε n̄ yā maro. ⁷ Dii, n̄ maa. Wapino s̄ wa gō kōn wío gbāa, wamɔwa Yerusalemudeeno kōn Yudano píngi kōn Isaraili kè aō kú k̄ino kōn Isaraili kè aō kú z̀ b̀usu kè n̄ n̄ fáakōan aō bona n̄ kpεε yānzino n̄ píngi. ⁸ Dii, wí wa k̄i durun kè wá kène yānzi, wapino kōn wa kínano kōn wa

kpatablerinɔ kɔn wa dezinɔ. ⁹ Dii wa Luda, baa kɛ wa sāsā n yāa, n wēnda vī kɔn sùuo. ¹⁰ Dii wa Luda, wée mì siennero wée té doka kè n dà n zòbleri annabinɔne aɔ òweenɔziro. ¹¹ Isarailinɔ pā n dokane n pīngi aɔ gī n yā mazi. Ben n láari kèwa kè wa durun kènne yānzi, lán n ò n zòbleri Musa doka takadan nà. ¹² N yā kè n bè eé wa lee kèwe kɔn wa gběnsinɔ. N múnzi kpàwazi, wèe yā kè Yerusalemu lè taka e anduna guu zikiro. ¹³ Wa Luda, yā pì wa le lán à yā kú Musa doka takadan nà, mɔde wée n kii wetero, wée kpɛɛ li wa durunɔne wa làakari dò n yāpuraaaro. ¹⁴ Dii wa Luda, néɛ gī ke kɔn múnzi kpanawazioro, zaake n yā ègɔ nna n yākena guu pīngi, ben wée n yā maro. ¹⁵ Dii wa Luda, n bɔ kɔn wa gbě kè aɔ de n gbě ũunɔ zaa Igipiti kɔn n gāsā gbāaao, n tó bò lán à kuu ai kɔn a gbāaao nà. Wa durun kè wa taari kènne. ¹⁶ Dii, lán n yākenanɔ maa pīngi nà, n n pɔfɛ kɔn n pētɛo kè n wéte Yerusalemua kɔn n kpīio sa, zaake Yerusalemu kɔn wamɔwa kè wá de n gbě ũunɔ gɔ́ fabona pò ũ gbě kè aɔ ligawaziinɔne n pīngi wa durunɔ kɔn wa dezinɔ yāzaakenao yānzi. ¹⁷ Wa Luda, n mamɔma n zòbleri wéekɛ kè mée kemma sí sa kɔn ma wēnda wiio. Dii, n ae do n kúkii kè gbòroa n tó yānzi. ¹⁸ Luda, n swā kpá n ma yā ma. N wée sé n wéte kè n tó kúa bezī gwa. Èe ke wa maakena yānzine wée wée kemmaziro, n wēnda bíta yānzime. ¹⁹ Dii, n ma yā ma! Dii, n sùu ke! Dii, n swā kpá ma yāzi n ke kpakpaa! Ma Luda, nton gī kero n tó yānzi, zaake n tó kú wéte pia kɔn n gběnmɛ.

Azuma baaagõ akuri yã

²⁰ Gurɔɔ kè mée yã oo le, mée adua kee mée ma durunnɔ yã oo kɔn ma gbẽ Isarailinɔ durunnɔ, mée wée kee Dii ma Ludaa à kp̄ii yã musu, ²¹ kè mée adua kee le, Gablieli, gbẽ kè má è wéegupu'ena guu yãa p̄i v̄la à mò ma kiia sa uusie ogurɔ. ²² À yã òme à bè: Danieli, ma bɔ ma mɔnzi le mà n wée k̄enneme, n d̄ona e à kaara. ²³ Kè n na aduakɛnaa, Luda n wéekɛe sì, ben ma mɔ mà onne, zaake à gbẽ yenzideen n ũ. Ñ làakari dɔ yã kèa n laasuu lé wéegupu kè née eea. ²⁴ Luda azuma baaagõ akuri diè n gb̄enɔne kɔn n wéte p̄io, le à taarinɔ mì de à durunnɔ v̄i à yã zaaanɔ k̄ɛawa, eé bɔ kɔn bɔna maa kè eé yãarooo, wéegupu'ena kɔn annabikɛe kenao lé é ká, weé Ludakukii kya ke. ²⁵ Ñ laasuu lé yã kèa ñgõ d̄õ kè naana zaa gurɔɔ kè wà diè kè Yerusalemu é ɛara à su a gwena ziaa ai à gàa pé Mesaya mógurɔɔa eégõ de azuma swɛɛplaa kɔn azuma baaagõ awɛɛplaa òme. Weé ɛara wà káe weé à ḡaalɛnɔ keke kɔn zédaanɔ, m̄ode naw̄ɛa égõ kuu gurɔɔ p̄ia. ²⁶ Azuma baaagõ awɛɛplaaa p̄i gbera weé Mesaya p̄i de, gb̄eke é z̄ɛoro. Kína kè èe mɔɔ z̄ìkp̄ɛɛnɔ é wéte p̄i kaate kɔn Luda kp̄éo. À mìdena é su lán í gublena bà. Ai à lé ḡõ gá ká z̄ìkana kɔn kaatenao égõ kuu lán Ludaa diè nà. ²⁷ Kína p̄i é l̄edole ke kɔn gb̄enɔo pari ai azuma do. Azuma doo p̄i dagura eé sa'ona kɔn gbadanao mì de à t̄ɛp̄o guyakari p̄ée gwe ai kaatena kè Ludaa diè guyakari p̄ine gá à leo.

10*Gakuidee bɔ à mɔna Danielizi*

¹ Pesianɔ kí Sirusu kíblena wè aagõdee guu wà yā bìia Danieli kè wè bene dɔ Betesazanɛ. Yā pì né yāpuraame, bensõ zì gbāa yāmɛ. À yā pì mà wéegupu'ena guume, ben wà à bòkõtɛnɛ.

² Gurɔ beeea mamɔma Danieli, mée pɔsɔiaa kee azuma aagõɔ dagura. ³ Mée pɔ nnaa blero, nòbɔ ke wɛɛ e gɛ ma lénlo. Mée nòsi kemaro ai azuma aagõɔ pì gàa à pàpao.

⁴ Mɔ káaku gurɔ baro awɛɛsiigõdee zī má zena swa bíta kè wè sísi Tigiri saɛ. ⁵ Ma wée sè ma guu gwà, ben ma gbêke è à táaru bisa dana, vura maa asaa dɔna à pii. ⁶ À mè bò lán gbè bèedee bà, à uu de lán loupina bà. À wée de lán sètè bà, à ɔɔnɔ kɔn à gbánɔɔ e té kee lán mògotè lólonna bà. À kòto de lán gbè parii kī bà. ⁷ Mamɔma Danieli mámbe ma wéegupu pì è mado. Gbè kè aɔ kúmaonɔɔ e ero, mɔde swè kèngu, ben aɔ bàa lè wà gàa wà ùte. ⁸ Mámbe ma gɔ mado, mée wéegupu bíta pì ee. Ma gbāaa yāa, ma uu liɛ, ma gɔ gbāaa sai.

⁹ Ma à kòto mà, ben gurɔ kè mée maa, ii ma kū gbāa, ma dae ma puua. ¹⁰ Ben wà ɔ nàma wà ma se wà ma kuɛ ma kosooa kɔn ma ɔɔo, mée lugalugaa. ¹¹ Ben wà bèmɛ: Luda gbè yenzide Danieli, ñ làakari dɔ yā kè mée oonnɛɛa. Ñ fɛɛ ñ ze, zaake wà ma zīmmame. Kè à òmɛ le, ma fɛɛ ma ze, mée lugalugaa. ¹² Ben à èara à bèmɛ: Danieli, ñton tó vīa n kūro, zaake zaa gurɔ káaku kè n n nòse kpà yā wàaripanaa bensõ n n zīnda bùsa Ludanɛ, à yā sinyo. N yā pì yānzin ma mɔzi. ¹³ Pesia bùsu tāa kí ma dādā gurɔ baro awɛɛdo, ben malaika kíno do Mikaeli bé à mò à ma ñan kà. ¹⁴ Ma mɔ le mà yā kè eé n gbèno le gurɔ

zãa zĩ bokõtenne, zaake wéegupu kè néε ee kuu zia yã ũme.

¹⁵ Gurɔɔ kè èe yã pì oome, ma a mì pèε, má yĩtena kítikiti. ¹⁶ Gbē kè bò lán gbēntee bà pì ɔ kè ma léa, ben ma lé wè ma yã ò. Ben ma bè gbē kè zena ma aεne: Dii, ma wāwāa mà pó kè mée ee yānzi, ma gō gbāaa sai. ¹⁷ Dii, mamɔma n zòbleri mé ke diame mà yã onyo? Má gbāa vī dɔro, wesabona kèmao zĩ'ũ. ¹⁸ Gbē kè bò lán gbēntee bà pì èara à ɔ kèma à ma gba gbāaa ¹⁹ à bè: Luda gbē yenzide, ònton tó vĩa n kũro. Ngõ kú kōn aafiao! Ñ tó n làakari gō kpaena! Ñ swè gō gbāa! Kè à yã òme, ben ma gbāa è ma bè: Dii, ñ yã ome sa, zaake n ma gba gbāaa. ²⁰ Ben à bè: Ñ yã kè tò ma mɔ n kiia dōó? Mé εara mà gá zĩ ká kōn Pesia tãa pìo tia. Tó ma ta, Giriki tãa é mó. ²¹ Mɔde mé yã kè kú Yápura Takadan onne gĩa. Gbēkee e ze à ma ïan káro, séde a malaika Mikaeli baasiro.

11

¹ Midiã bori Dariusu kíblena wè káaku guu, ma ze ma gi kōn Mikaelio ma à dākpa.

Sɔɔmete kína kōn gu'igbāro kínao

² Yápuraan mée oonne. Kína pāndeno é fεε gōon aagō aō kí ble Pesia būsun. Aō siigōdee té ñ kpee, eégō auziki vī maamaa deñla. Éé gbāaa e a auziki pì yānzi eé tó gbē píngi fεε Girisi būsuzi. ³ Kína gbāadee é fεε à kí ble būsunɔa pari, eégō keε lán à yezi nà. ⁴ À fεena gbera à kpata é gboro à ke leo siigō, anduna gooda siigōonɔ baade kōn a póo. Èe ke à boriinɔ bé wé kpata pìnɔ blero, gbē pāndeno bé wé ble, à kpata pìnɔ gbāaa é ká à káakupɔ ũro.

⁵ Sɔɔmetɛ kpa kína éǵɔ gbāa vī, mɔde à zìkpreɛnɔ gbēnsi ke éǵɔ gbāa vī deàla. Eé kí ble à kpata éǵɔ bíta. ⁶ Gurɔ plaaa gbera aǵé ledole ke. Sɔɔmetɛ kpa kína é a nénɔkpare kpāsā gu'igbāro kinaa ledolekena kɔso sèeda ũ, mɔde nɔgbē pì éǵɔ iko vī gwero, kína pì kɔn à néo é gí kero. Weé nɔgbē pì kɔn gbē kè aǵ mɔnɔ kɔn à deo kɔn à ïankario kpámma gurɔ beeea. ⁷ Nɔgbē pì danɛ ke bé eé kí ble à de gēe ũ. Eé léɛ gu'igbāroo kpa kína zìkpreɛnɔa eé gē à zeki gbāaan. Eé zì kányo à gbāa mólnɛ. ⁸ Eé n tãanɔ kɔn n̄ dii kè aǵ kãsanɔ sée wà táo Iyipiti kɔn n̄ pò bèedee kè wà kè kɔn vuraɔ kɔn kondogionɔ. Eé gu'igbāroo kpa kína tón gĩa gurɔ plaa. ⁹ Gu'igbāro kpa kína pì é mó à léɛ sɔɔmetɛ kpa kína pì búsua se, mɔde eé ɛara à tá a búsun. ¹⁰ À nénɔ é zì soru ke aǵ zìkpreɛnɔ kakɔa paripari. Aǵé da zén aǵ dagula lán swapana bà. Aǵé zì ká ai aǵ gá káo à zeki gbāaan. ¹¹ Sɔɔmetɛ kpa kína é fē eé gá zì ká kɔn gu'igbāroo kpa kinao kɔn zìkpreɛ kè à kàkɔa paripariinɔ eé zì bleńma. ¹² Tó à zìkpreɛ pìnɔ sèe à tànyo, eé a zĩnda sé lezĩ. Eé n̄ dede gɔɔn bɔɔ kuri, mɔde eé e à zì bleńma gurɔ pĩngiro. ¹³ Gu'igbāro kpa kína é ɛara à zìkpreɛnɔ kakɔa paripari de à káakupɔla. Tó à gurɔɔ kà, eé mó kɔn a zìkpreɛ parii pìnɔ, baade kɔn a gɔkɛbɔnɔ.

¹⁴ Gurɔ beeea gbē paridee é fɛɛ sɔɔmetɛ kpa kínazi. N bori gɔ pāsĩnɔ é fɛɛzi wéegupu kè n̄ è yāpapana yānzi, mɔde aǵé mĩnnaa kero. ¹⁵ Gu'igbāro kpa kína é mó à wéte bĩide kagura ke eé sí. Sɔɔmetɛ kpa zìkpreɛnɔ gbāaa é fɔ à kpánɛro, baa aǵ zìkpreɛ maaanɔ. Aǵ gbāaa é fɔro. ¹⁶ Kína kè mò à lèɛa é kɛ lán à yezi nà, gbēke é fɔ à kpánɛro. Eé zɛ búsua maaan

eégõ à kaatena zé vī. ¹⁷ Eé zεo à mó kōn a bùsu ikoo píngi, mōde eé ledole ke kōn sōomete kpa kínao. Eé a nénokpare kpāsāa le à e à à kpata yaka yānzi. Yā pì é zé kero, eégõ àre ke vīnero. ¹⁸ Eé gbasa à ae dō ísīaa sae bùsunōa eé sí pari, ben zìkpeeno gbēnsi ke é à wada mì de eé tó à wada wí à musu. ¹⁹ Eé εara à ae dō a be bùsu zeki gbāaanōa sa, mōde eé gēn sí à léε, weé à e dōro.

²⁰ À gēε é be'òosiri gbāamōnneri gbareńma le à a kíkεgakui kaara yānzi, mōde guro plaaa gbera eé game, èe ke pofē ke zì yānzinlo. ²¹ À gēε égõ de gbē gina kè wèe à kpá kpatanloo ũ. Guro kè gbēno yāke danaro, eé mó à lēnnaa kásańne à kpata síńma. ²² Eé zìkpeeno wíwi a ae dúgudugu, eé n kaate kōn kína kè à ledole kèoo. ²³ Ledolekenao gbera eé bō à kpeε, à gbāaa é kaara, baa tó à gbēno pariro. ²⁴ Eé gē bùsu auzikidee kè à gbēno yāke danaroonōzi, eé yā kè a deno ke a dezino e fō wà kèroo ke. Eé n póno sée eé n pókādeenō nakōa eé n auziki pino kpaatete a ibanone. Eé à zaaa kpakōsō zeki gbāaanōzi, mōde eé guro plaaa kero. ²⁵ Eé swè die à té ká a zīndan. Eé gē sōomete kpa kínazi kōn zìkpeeno paripari. Sōomete kpa kína pì é zì káo kōn a zìkpe parii kè aō gbāaa kè bítano, mōde eé n fōro, zaake weé lé kpakōsōzime. ²⁶ Gbē kè aōè pó bleono é zìbōnkpeε kene. Weé pé à zìkpeenoa wà n paridee dede. ²⁷ Kí gōon plaaa pino é vēε teebu dōnkōzi kōn nòsezaaa aō egεε tokōne. Eé zé kero, zaake yā é mì de à gurōame. ²⁸ Gu'igbāro kpa kína é da a bùsu zén kōn auziki bítao, mōde eé yā zaaa kpakōsō gbē kè Luda bà kúnyonōzi. Eé yā lúńne gbasa à tá a bùsun.

²⁹ Tó à guro kà, eé εara à gē sōomete kpa

bùsuzi, mɔde kèkii éǵɔ de lán à káakuro bàro. ³⁰ Ɔfântégèkpendeeno é gíne kɔn góro'iteno. Eé na a sàsa, eé ɛara à gá pɔfɛ pita gbɛ kè Luda bà kúnýonɔa. Eé ze kɔn gbɛ kè aɔ Luda bà kuunaño yā gbòronɔ. ³¹ À zìkpeeno é Luda kpé gbāsī lé aɔé saa kè wègɔ oo lán guu e dɔɔ nà mì de aɔé tɛpɔ guyakari péen. ³² Eé gbɛ kè aɔ Luda bà kuunaño yā gbòronɔ mì liɛ kɔn mɔnafikio, mɔde gbɛ kè aɔ n Luda dɔɔnɔ é ze gbāa aɔ gíne. ³³ Aɔ gbɛ kè aɔ ɔndɔɔ vīino é yā da gbɛnɔne pari, mɔde gurɔ plaaa dagura weé n gbɛkenɔ kwé kɔn fɛɛdaao weé n gbɛkenɔ kpáta weé n gbɛkenɔ ká kpésiaan weé n pónɔ símma. ³⁴ Tó aɔ lɛɛ lɛ, weé n ïan ká féte, mɔnafikideeno é namma pari. ³⁵ Ɔndɔri pì kenɔ é kpágula, lɛ Luda e à n baasa à n gbāsī worómma, lɛ aɔ nɔse e à pura kū ai gurɔ lé gá ká, zaake gurɔ pì é ká lán Ludaa diɛ namɛ.

Kína kè eé a zīnda sé lezī

³⁶ Kína ke bé eé ke lán à yezi nà eé a zīnda sé lezī, eé bítakeɛ dɔ a zīndane de tãanɔla píngi eé dɔkena yā o Luda kè deñlaa musu. À yā éǵɔ gaame ai Luda pɔfɛpitammagurɔ gá papao, zaake Luda é yā kè à zèo kemɛ. ³⁷ Kína pì é a dezinɔ tãano yā daro ke tãa kè nɔgbɛno èǵɔ yezi. Eé tãa ke yā daro eé bítakeɛ dɔ a zīndane deñla píngi. ³⁸ Eé zeki gbāaanɔ tãa kpe da a dii ũ aɔ gɛɛ ũ. Eé dii kè a dezinɔ dɔroo pì kpe da kɔn vuraɔ kɔn kondogio kɔn gbè bèɛdeeo kɔn pɔ auzikideeno. ³⁹ Eé yā lú zeki gbāa gbɛntɛnɔne bori zítɔnɔ tãa pì gāzī. Eé gbɛ kè aɔ à dɔɔnɔ kpe da maamaa. Eé tó aɔ kí ble gbɛnɔa pari, eé bùsu kpàateteñne n asaia ũ.

40 Tó à gurɔ lé kà, sɔɔmɛtɛ kpa kína é léɛa zìo, ben gu'igbāroo kpa kína é fɛɛzi lán zàga'íà bà kɔ̀n s̄goronɔ kɔ̀n s̄deenɔ kɔ̀n góro'itenɔ paripari. Eé gē b̄usunɔzi pari à dagula. 41 Eé gē b̄usu maaazi dɔ. B̄usu paridee é léɛ, mɔ̀de ɛdɔmunɔ kɔ̀n Mɔ̀abunɔ kɔ̀n Amɔ̀ninɔ gbēnsinɔ é bɔ. 42 À iko é b̄usu pariinɔ le, Iqipiti é b̄oro. 43 Eé gbāaa ble Iqipiti auziki kè utenanɔa, vura kɔ̀n kondogio kɔ̀n pɔ̀ b̄èɛdeenɔ píngi. Libianɔ kɔ̀n Etioipianɔ é mì siɛɛ. 44 Baaru kè eé bɔ ɔ̀fántɛbɔɛ kpa kɔ̀n gu'igbāroo kpaao é tó swè kēn, eé da zén kɔ̀n pɔ̀fē bítao gbē parideenɔ kaatena kɔ̀n n̄ m̄idenao yānzi. 45 Eé a kíkɛ bisakutaa dɔ ísia kɔ̀n Luda kp̄ii maaao dagura. Gwen eé gan, gbēke é à ïan káro.

12

Gurɔ zāa zī

1 Gurɔ beeea Mikaeli, malaika ìsi kè è zɛ kɔ̀n n gbēnɔ é fɛɛ. Gurɔ beee nawēa égɔ́ bíta. Zaa boriinɔ naana gurɔ ai gurɔ beeea à taka e kɛ zikiro. Gurɔ beeea n gbē kè aɔ́ tó kú Luda takada guunɔ é bɔ. 2 Gbē parii kè aɔ̀ɛ ii oo tɔ̀tɛ guunɔ é vu. Aɔ́ gbēkenɔ égɔ́ wèndi kú eé yāaroo vī, aɔ́ gbēkenɔ s̄lalandi kɔ̀n wí yāanasaiɔ. 3 Gbē kè aɔ́ ɔ̀ndɔ́ vīinɔ égɔ́ té kɛɛ lán musu pónɔ bà. Gbē kè aɔ̀è tó parii bɔ maaa p̄inɔ égɔ́ té kɛɛ lán sɔ̀ɔ̀nenɔ bà. 4 Mpi s̄ Danieli, n̄ yā p̄inɔ ká takadan n̄ koko n̄ à lé nakɔ́a ai gurɔ̀ p̄i lé gá ká. Gbē parideenɔ égɔ́ gaa weégɔ́ suu lɛ wà d̄ɔ̀na kaara.

5 Mamɔ̀ma Danieli ma guu gwà, ben ma ḡɔ̀n plaaanɔ è, gbē doo zɛna swaa baa kè kpa, gbē doo baa k̄aa kpa. 6 Aɔ́ gbē mèn doo bè gbē kè táaru bisa dana à zɛna swa'ilaanɛ: Yābɔnsaɛ p̄inɔ é mì dɛ

bɔɾɛmɛ? ⁷ Gbɛ̀ kɛ̀ táaru bisa dana à zɛna swa'ílaa pì a ɔplaa kɔ̀n a ɔzɛɛo sè musu, ben má mà à bè kɔ̀n Gurɔ̀pingide tó: Wɛ̀ aagɔ̀ kɔ̀n a kusuomɛ. Tó wà Luda gbɛ̀nɔ̀ gbāaa fɔ̀ wà yāa, yā pìnɔ̀ gbasa wà mì de píngi. ⁸ Má mà, mɔ̀de méè à bɔ̀kɔ̀tɛna dɔ̀ro, ben ma à là ma bè: Dii, yā pì gbè é bɔ̀ diamɛ? ⁹ À wèmala à bè: Danieli, n̄ gá! Yā pìnɔ̀ mì égɔ̀ utɛname, weégɔ̀ pɔ̀ kúɛa ai gurɔ̀ lé gá ká. ¹⁰ Zī beea gbɛ̀nɔ̀ gbāsí é kɛ̀m̄ma pari, aɔ̀ n̄sɛ é pura kũ lán wà n̄ baasa bà, mɔ̀de gbɛ̀ zaaanɔ̀ é keke wàgɔ̀ zaa. Gbɛ̀ zaa ke é yā pì d̄rɔ̀ d̄ro, mɔ̀de gbɛ̀ kè aɔ̀ ɔ̀ndɔ̀ ɔ̀vĩnɔ̀ bé wé ma. ¹¹ Tó wà saa kè wè o lán guu e dɔ̀ nà mì dè wà t̄ɛpɔ̀ guyakari p̄ɛn, gurɔ̀ wàa swɛɛdo kpé basiigɔ̀ akuri bé eégɔ̀ kuu. ¹² Aubarikadeen gbɛ̀ kè eé gurɔ̀ wàa swɛɛdo kpé baswɛɛplaa sɔ̀rosai dā à ká ũ. ¹³ Mpi s̄, n̄ gá ai n̄ gurɔ̀ léa. Né anduna tó gbasa n̄ fɛɛ n̄ n̄ baka le gurɔ̀ zāa zī.

Luda yá takada kǝn Bokobaru yǎo
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5